

**ԳԻՏԱԿԱՆ ՆՍՏԱՇՐՋԱՆ՝ ՆՎԻՐՎԱԾ ԱԿԱԴԵՄԻԿՈՍ ԱՇՈՏ
ՀՈՎՀԱՆՆԻՍՅԱՆԻ ԾՆՆԴՅԱՆ 100-ԱՄՅԱԿԻՆ**

Ս/Ք հունիսի 23-ին ՀՍՍՀ ԳԱ պատմության և տնտեսագիտության ու փիլիսոփայության և բանասիրության բաժանմունքների նախաձեռնությամբ տեղի ունեցավ գիտական նստաշրջան՝ նվիրված ականավոր գիտնական, կուսակցական-պետական ու հասարակական նշանավոր գործիչ Աշոտ Գարեգինի Հովհաննիսյանի ծննդյան 100 ամյակին:

Նստաշրջանը ներածական խոսքով բացեց ՀՍՍՀ ԳԱ պատմության և տնտեսագիտության բաժանմունքի ակադեմիկոս քարտուղար, ՀՍՍՀ ԳԱ ակադեմիկոս Բ. Առաքելյանը: Աշ. Հովհաննիսյանը, ասաց նա, սովորական գործիչ կամ գիտնական չէր: Նա Անդրկովկասի հեղափոխական շարժումների ակտիվ մասնակիցն էր, կուսակցական և պետական ականավոր ղործիչ, խորաթափանց գիտնական և ապրել է բուռն, բազմաբովանդակ կյանքով: Այնուհետև Բ. Առաքելյանը համառոտակի անդրադարձավ Աշ. Հովհաննիսյանի կենսագրական, նկատելով, որ նա անցել է հեղափոխական, պետական, կուսակցական և գիտական ստեղծագործական աշխատանքի մեծ, բարդ, բայց արգասավոր ուղի: Նա մեծ էր իբրև հասարակական գործիչ, քաղաքացի և գիտնական: Այդպիսին են լինում մեծերը: Այդ առումով, վերջում նշեց Բ. Առաքելյանը, Աշ. Հովհաննիսյանի վաստակը և հիշատակը արժանի են խորին հարգանքի ու երախտագիտության:

Այնուհետև Ա. Գ. Հովհաննիսյանի կյանքին ու գործունեությանը նվիրված զեկուցումով հանգես եկավ ՀՍՍՀ ԳԱ թղթակից անդամ Վ. Բաբխուրյանը: Նա ասաց, որ գործունեության ասպարեզ մտնելով XX դ. սկզբներին, Աշ. Հովհաննիսյանը հմտությամբ ու հաստատակամությամբ կարողացավ հեղափոխականի դժվարություններով լի գործունեությունը զուգակցել գիտականին, անխոնջ պրպտումներին և իր պատվավոր տեղը գրավել հայ ժողովրդի արժանավոր զավակների շարքում: Աշ. Հովհաննիսյանը 1906 թ. մտնում է ՌՍԳԲ(Բ)՝ շարքերը, հարում նրա բուլշևիկյան ուղղությունը և մինչև կյանքի վերջը հավատարիմ մնում նրան: Նա բարձրագույն կրթություն է ստացել Եմսյի, Հալլեի և Մյունխենի համալսարաններում, ստացել խոր գիտելիքներ,

տիրապետել մի շարք լեզուների: Պատմափիլիսոփայական ու բանասիրական լայն ու խոր գիտելիքները, լեզուների հիմնավոր իմացությունը, նշեց զեկուցողը, այն ամուր հիմքն էր, որի վրա Աշ. Հովհաննիսյանը բարձրացավ որպես լայն պրոֆիլի հայագետ և շուրջ 60 տարի բեղմնավոր գիտական գործունեություն ծավալեց:

Աշ. Հովհաննիսյանի գիտական գործունեությունը, շարունակեց զեկուցողը, փաստորեն բաժանվում է երկու փուլի: Առաջինն ամփոփվում է գիտական ասպարեզ մտնելուց՝ 1910-ական թվականների սկզբներից մինչև 1930-ական թվականների կեսերն ընկած ժամանակաշրջանում, իսկ երկրորդը սկսվում է 1950-ական թվականների սկզբներին և հարատևում մինչև նրա կյանքի վերջը, սակայն նրա թե դիտական և թե գործնական աշխատանքները մի ամբողջություն են կազմել, լրացնելով մեկը մյուսին: Տարբեր զարաշրջանների նվիրված և տարբեր ժամանակներում գրված նրա յոթանասուհից ավելի ուսումնասիրությունների առանցքը հստակորեն կազմել է հայ ժողովրդի ազատագրական զաղափարախոսություն, նրա ազգային ու սոցիալական ազատագրության խնդիրը: Աշ. Հովհաննիսյանը իր ամբողջ ուժն ու եռանդն անմնացորդ նվիրեց աշխատավորների վեհ նպատակների կենսագործմանը:

Այնուհետև զեկուցողն անդրադարձավ Աշ. Հովհաննիսյանի գիտական ժառանգությանը: Վերջում Վ. Բաբխուրյանը նկատեց, որ հասարակական կյանքի հեղաբեկումներին ու մակընթացություններին ենթակա իր անձնական կյանքը Աշ. Հովհաննիսյանն իր կյանքը ապրեց մաքուր խղճով, մշտապես հավատարիմ իր սկզբունքներին: Նա սովետահայ պատմագիտությունը հարստացրեց մնայուն գործերով, որոնք մտնում են հայագիտության ոսկե ֆոնդը և նրանց հեղինակին կանգնեցնում հայ պատմագիտության խոշորագույն դեմքերի շարքում:

ՀՍՍՀ ԳԱ ակադեմիկոս Է. Զաքարյանի զեկուցումը նվիրված էր «Ա. Գ. Հովհաննիսյանը և նախնադասագիտության ժամանակակից հարցերը» թեմային: Նա ասաց, որ Աշ. Հովհաննիսյանի անունը ոչ միայն անխզելիորեն կապված է

Միջայել նալբանդյանի անվան հետ, այլև նրան է պատկանում նալբանդյանագիտության ամենամեծ երախտավորի դասին, որը նա նվաճել է իր կապիտալ գործերով: Նալբանդյանագիտության մեջ ոչ մի առաջընթաց հնարավոր չէ՝ առանց հաշվի առնելու մեծ դիտնականի վաստակը, առանց հենվելու նրա վրա կամ թեկուզ հակադրվելու նրա դրույթներին: Աշ. Հովհաննիսյանի աշխատությունների ամենաբնորոշ կողմը դիտական ռեալիզմն է՝ ամեն մի եզրակացություն միմիայն փաստերից բխեցնելու սկզբունքով:

Ժամանակը, շարունակեց զեկուցողը, որոշ ճշգրտումներ է մտցնում դիտնականի հարցադրումների մեջ, և դա միանգամայն բնական է: Իսկական դիտնականի գիտական ժառանգությունը քարացած ճշմարտությունների հավաքածու չէ, այլ կյանքի հետ շարժվող ու զարգացող գործ: Ժամանակը մտցրել է և կմտցնի իր ճշտումները Աշ. Հովհաննիսյանի գնահատականների մեջ: Սակայն անվիճելի է, որ դիտնականն իր հիմնական խնդրի լուծման մեջ ընթանում էր ճիշտ ուղղությամբ՝ որոշելով պատմական խոշոր անհատների իրական տեղը դարաշրջանի հասարակական և գաղափարական հարաբերությունների բարդ շղթայում: Այն հանգամանքը, որ նալբանդյանագիտությունը շարունակում է զարգանալ և հասարակական լայն հետաքրքրություն հարուցել, խոշոր լավով պետք է համարել Աշ. Հովհաննիսյանի ծառայությունը, որը մեր գիտության այդ ճյուղը դրեց փաստական և մեթոդական ամուր հիմքերի վրա:

Վերջում է. Զրբաշյանը նկատեց, որ ժամանակը մեզ օգնում է ավելի լավ հասկանալու ոչ միայն Աշ. Հովհաննիսյանի աշխատությունների արժեքը, այլև նրա մեծությունը: Նրա գիտական բարձր սկզբունքայնությունը և իր գործին անմնացորդ նվիրումը այսօր մեզ համար ունեն բարոյական և դաստիարակիչ մեծ նշանակություն:

Այդ վսեմ հատկանիշներով էլ Աշ. Հովհաննիսյանի անունը մտնում է իր կյանքի երկրորդ արյուրամյակը:

Բանասիրական գիտությունների թեկնածու Մ. Մխիթարյանն իր զեկուցման մեջ անդրադարձավ հայ պարբերական մամուլի պատմության ուսումնասիրման գործում Աշ. Հովհաննիսյանի ներդրած մեծ վաստակին, նա նշեց, որ «նալբանդյանը և նրա ժամանակը մենագրության մեջ Աշ. Հովհաննիսյանը հանգամանորեն քննության առնելով և բնութագրելով անցյալ դարի 60-ական թվականների հայ հասարակական հոսանքները, միաժամանակ սպառնալից գնահատականներ է արվել ժամանակի երկու հատվածների հայ պարբերական մամուլի մի շարք օրգանների գործունեությանը: Նա լուսաբանել է ժողովրդագրության պատմության հետ կապված այնպիսի կարեւորագույն պրոբլեմներ, ինչպիսիք են թերթերի քաղաքական ուղղությունը, բանավիճերի բնույթը, լրագրողների հրապարակախոսական վարպետության հարցերը և ժողովրդագրական աշխատանքի մեթոդները, գրաքննության հետ պարբերաթերթերի ունեցած առնչությունները և այլն: Զեկուցողը նշեց «նալբանդյանը և նրա ժամանակը» մենագրության բացառիկ գերը XIX դ. հայ մամուլի պատմության ստեղծման գործում:

Մ. Մխիթարյանը կանգ առավ նաև 1860-ական թվականների հայ խոշոր հրապարակախոսների Մ. Նալբանդյանին, Ստ. Նազարյանին և Ի. Պատկանյանին՝ Աշ. Հովհաննիսյանի տված գնահատականների վիճահարույց խնդրի վրա, ինչպես նաև շեշտեց Աշ. Հովհաննիսյանի թողած մեծարժեք ավանդների պահպանման անհրաժեշտությունը:

Այնուհետև Աշ. Հովհաննիսյանի մասին հուշերով հանդես եկավ գրող Ս. Խանգաղյանը:

Գիտական նստաշրջանի արդյունքներն ամփոփեց ՀՍՍՀ ԳԱ ակադեմիկոս Բ. Առաքելյանը: